



Inatsisartuni Ilaasortaq
Villy Olsvig, Inuit Ataqatigiit

Apeqqummut §37-mut nr. 165-imut allakkatigut akissuteqaat

Asasara Villy Olsvig

Ulloq: 27-06-2017
Sags nr. 2016-11966
Dok. nr. 5723725

P. O. Box 1037
3900 Nuuk
Oqa. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqqut 1 a

Immikkoortoq 2)-mi umiarsuit timmisartullu ataani umiatsiat glasfiberinik sanaat aammalu umiarsuarnut sanilliullugit piusinnaaneri killeqareersut sumik peqquteqarpa ilaatinneqarneranut? Immikkoortinneqassappata Naalakkersuisunit suut aporfiusutut isigineqarpat?

Apeqqummut 1 a-mut akissut

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 9, 3. december 2012-imeersumi § 23-ip allassimanera Aningaasarsianit akileraarutit pillugit Inatsisartut inatsisaat nr. 12, 2. november 2006-imeersumit aallaaveqarpoq.

§23-mi aaliangunneqarsimasumi imarisat ilaat tassaavoq pigisat nalillit assigiinngitsut inuussutissarsiornerup iluani atorneqartartut iluanni nalikillisaanermut inatsisit. Tassanilu assersuutigalugu allaqqavoq umiarsuit timmisartullu pisiarineqaqqaarnerannit nalianit ukimut 10 %-ip tungaanut nalikilliliisoqarsinnaasoq.

Akileraartarnermut Aqutsisoqarfimmi periuseq malillugu atortussat puttasinnaasut tamarmik, assersuutigalugu prammit assigisaalu umiarsuartut tamarmik isigineqartarput. Tamannalu ima isumaqarpoq umiatsiaaqqat assigiinngitsut inuussutissarsiornerup iluani atorneqartartut tamarmik umiarsuarnut timmisartunullu inatsik §23 imm. 2 nr.2-mi allattorsimasoq malissagaat. Taamaasiortoqarnerullu kingunerivaa killilersuinerit ajornakusoortut avaqqunneqarneri. Tassanilu aamma isiginiarneqarned ajorpoq umiatsiaaraq glasfiberimit allamilluunniit sanaajusimanersoq.

Inatsisip uuma saniatigut nalikilliliineq pillugu nalunaarummi (Akileraartarnermi nalikilliliinerit il.il. pillugit Namminersornerullutik Oqartussat nalunaarutaat nr. 30, 1. december 2006-imeersoq) aammalu Akileraartarnermut Aqutsisoqarfimminngaannit ilitsersuusiamti Namminersorluni inuussutissarsiuuteqartut nalikilliliissuteqartarnerannut maleruagassat ukioq aningaasarsiorfik 2013 aallarnerfigalugu atuutilersut pillugit ilitsersuummi arlaannaatigulluunniit umiatsiaaqqanut akileraartarnerup iluatigut nalikilliliinissamut attuumassutilinnik immikkut ittumik killiliisoqarsimannilaq.

Apeqqut 1 b

Immikkoortoq 3)-mi "ingerlatsinermut atortut"-nut (driftsmidler) umiatsiaaqqat aquuteralaaallu ilaappat?

Apeqqummut 1 b-mut akissut

Apeqqummut 1 a-mut akissutigineqarsimasi nassuaatigeriikkattuut umiatsiaaqqat nalikilliliinissamut inatsik aallaavigalugu umiarsuartut isiginiarneqartarput.

Taamaakkaluartorli aqquteralak ingerlatsinermut atortutut isiginiarneqartarpoq, tassungalu atatillugu nalikilliliinermut inatsik §23-imi imm. 2-mi nr.3 aamma nr.4 atorneqartassaaq.

Apeqqut 1 c

Immikkoortoq 3)-mi "ingerlatsinermut atortut"-nut umiatsiaaqqat aquuteralaaallu ilaappata Naalakkersuisunit immikkoortinnissaannut attortussusaannullu naapertuunnerusumillu allannguisinnaaneq qanoq isumaqarfingineqarpa?

Apeqqummut 1 c-mut akissuteqaat

Akileraartarnikkut nalikilliliinissamut inatsisip siunertarivaa ukiuni tulliuttuni pigisanut nalilinnut nutaanut akileraarutissanut ilanngaataasussat siammarterneqarnissaat. Ilumoorpoq pigisap nalillip nalikilliliartuaartinneqarnerata malissagaa pigisap piffissami aaliangersimasumi atorsinnaasusaa. Pissutsilli naleqquuttu aammalu allaffissornikkut peqqutit aallaavigalugit nalikillileeriaaseq assigiissarneqarnikuovoq tamanut atorneqarsinnaasunngorlugu, taamaattumillu pigisanut aaliangersimasunut ataasiakkaanut piffissaq atuuffiusinnaasoq aallaavagineqavigani.

Inatsisaasut pissutsillu naleqquuttu aallaavigalugit umiatsiaaraq ukiumut 10 %-imik nalikillilerneqarsinnaasarloq, tamannalu isumaqarpoq umiatsiaaraq ukiuni qulini nalikilliliartuaartinneqarsinnaasoq.

Maannakkumut inatsisit atuuttut 2012-imi atuutsinnejalerput § 23-imi sukaterisoqarneratigut. Maannakkumuugallartorlu aalisartunut piniartunullu umiatsiaaqqanik aquuteralannillu sulinerminnut atuisunut tunngatillugu nalikilliliisarnermut inatsimmi allannguisoqarnissamik sukaterinissamilluunniit pilersaarsiortoqarsimannngilaq.

Apeqqut 1 d

Immikkoortoq 4)-mi "ingerlatsinermut atortut"-nut umiatsiaaqqat aquuteralaaallu ilaappata, 100.000 kruunimut killiliutigineqarsimasoq ullutsinni aquuteralaaallu aalisartunik atorneqalernikunut nalingisigut naapertuunnerusumik qaffanneqarsinnaaneranut Naalakkersuisut qanoq isumaqarfingivaat? Allatulluunniit naapertuunnerusumik aaqqiisoqarnissaanik Naalakkersuisut qanoq isumaqarpat?

Apeqqummut 1 d-mut akissut

Pigisat nalillit pisiarinerani 100.000 kr-inik nalilinnut appasinnerusunulluunniit ernerterumik 100 %-imik nalikilliliinissamik inatsik, inatsimmi 2012-imi allannguisoqarmattaq ilanngunneqarsimavoq. Apeqqutigineqarsimsumullu 1 c-mut akissutaasimasutuulli pilersaaruteqartoqanngilaq aaliasartunut piniartunullu nalikilliliinermut inatsimmi atuuttumi allannguisoqarnissaq. Tassanilu aamma pineqarpoq pisinermut 100.000 kr.-i naliliunneqarsimasoq, taannalu §23 imm. 2 nr. 4-mi allassimavoq. 1 b-mittaaq akissutaasimasoq takuneqarsinnaavoq.

Apeqquut 2

**Akileraaruserinermik ingerlatsineq pillugu Inatsisartut inatsisaat nr. 11, 2. november 2006-meersumi § 15 siusinaartumik utertoorsinnaaneq pillugu
Naalakkersuisut pitsasutut nalilerusunnerpaat? – aamma
aaqqinniarneqarnerluni?**

Apeqquummut 2-mut akissut

Maannakkumut § 15-imni inatsik malillugu akileraartartut
akileraarpallaarutigisimasaminnik utertooruteqarsinnaapput piumasaqaatit
aaliangersimasut eqquutsinnejqarsimappata. Aaliangersagarlu taanna aallaavigalugu
Akileraartarnermut Aqtisisoqarfimmik assut allaffissornikkut suliaqartoqartarpooq.
Aaliangersagarlu taanna peqquutaalluni aamma akileraartartut ataasiakkaat
ilaanneeriarlutik annertuallaamik utertooruteqartarpooq, taamaattoqarsimappallu
akiliititaasariaqartarlutik. Tamannalu ilaatigut pisarpooq akileraartartup akileraarutinut
nammineerluni immersuinermini kukkusumik nalunaarutiginnissimanera.

Pisunili amerlanerpaani aaliangersagaq aallaavigalugu akileraartartut
akileraarutigivallaarsimasaminnik ullut killigitaasut aaliangersimasut toqqammaviginagit
siusinaartumik utertooruteqartoqarsinnaaneranik periarfissiivoq.

Aaliangersakkamilu imm. 3 aallaavigalugu utertoorutissat 5.000 kr.-it ataakkaluari
akileraarutigivallaakkani utertooruteqarsinnaaneq pisinnaasarpooq, akileraartartoq
arlaatigut immikkut ittumik naatsorsuutigineqarsinnaanngitsumik inuiaqatigiit iluanni
nalaataqarsimaguni. Assersuutigalugu tamanna atuuppoq maannakkut akileraartartunut
Illorsuarneersunut Nuugaatsiameersunullu.

Aaliangersakkallu taakku Akileraaruserinermik ingerlatsineq pillugu Inatsisartut
inatsisaat nr. 11, 2. november 2006-imeersumi § 15-imni allattorsimapput,
allannguisoqarnissarlu pilersaarutaanngilaq.

Apeqquut 3

**Namminersornerullutik Oqartussat Akileraartarnermi ukiumoortumik
naatsorsuutinut il.il. piumasaqaatit pillugit nalunaarutaat nr. 27, 1. december 2006-
imeersoq § 3. Ukiuni makkunani umiatsiaararsorluni aalisarnermi
isertinneqartartut qaffariaateqangaatsiarsimaneranut atatillugu nalunaarut
nutartilersaarneqarnerluni ? Taamaaliortoqassappallu qanoq
qaffaatigilersaartoqarpa ? taamaaliortoqassanngippallu suna
pissutaasinnaavamita ?**

Apeqquummut 3-mut akissut

Namminersorlutik Oqartussat Akileraartarnermi ukiumoortumik naatsorsuutinut il.il.
piumasaqaatit pillugit nalunaarutaat nr. 27 1. december 2006-imeersumi \$3-mi
aaliangersakkami pineqartoq tassaavoq inuinnaat inuussutissarsiornermik
ingerlataqartut ukiuni tulleriaani aaliangersimasuni annikitsumik isertitaqarsimasunut
sukannersumiunnitsoq akileraartutinut nalunaarsuutinut tunniussoqarnissaanut
piumasaqaat.

Maannakkumuugallartoq eqqarsaatigineqarpoq kaaviaatitat annertussutigisaannut
piumasaqaat qaffariaateqassanersoq, maannakkut annertussuseq ukiumut 400.000 kr.-
imiippoq. Maannakkumuugallartorli suli aaliangiussisoqarsimangilaq, annertussuseq
qanoq annertutigisumik qaffariaateqartinneqassanersoq.

Neriuppunga apequtigisimasatit tamarmik akineqartut.

Inussiarnersumik inuulluaqqusillunga

Aqqaluaq B. Egede